



**P**hilippus ex nobili familia Maugiorum natus, à pueris optimis præceptoribus committitur, qui ipsum in bonis literis & omnibus uirtutibus diligenter educarunt. Is etiam præceptorum monita admisit, & talem se exhibuit, ut optimis uiris annumeraretur. Itaque postea omnium consensu præpositus Hertzogburgensis electus est. Eam dignitatem cum magna prudentia & animi moderatione suscepisset & administraret, Ferdinandus rex & Austriæ Archidux Anno post natiuitatem Domini millesimo quingentesimo quadragesimo quarto Philippum, ætate non prudentia iuuenem, ex multis alijs elegit, quem summo Curia Austriacæ senatui & regimini præficeret. Vnde Philippus prouinciam sibi commissam magna dexteritate assumpsit, & ut Vuiennæ summa æquitate omnia peragerentur, instituit: literarum etiam sese unicum ornamentum & Mecœnatem præstitit. Itaque dignus mihi uisus, qui uiris illustribus Germaniæ inseratur. Vu. Lazius libro tertio rerum Vuiennensium.